

卷〇五二〇二 原字

卷〇五二〇三 原字

卷〇五二〇四 原字

卷〇五二〇五 原字

永樂大典

永樂大典卷之五千二百二

十二先

原

太原府四

山川

山

陽曲縣太原志繫舟山在縣北九十里。北屬忻州秀容縣。南屬本縣。

禹治水而繫舟其上故名。有石如環軸。謂之繫舟鬼。又名小五臺。元一統

志山巔有佛殿。每觀靈光金像之異。土人因加修葺。亦名小五臺。宋元祐

四年。河東薛道石記。元祐之讀書其下。嘗賦詩云。繫舟南北蒼雲平。落日

潯池一練明。阪泉山。在本縣東北八十里。罕山西北。舊經引春秋晉文

公卜過黃帝戰夷帝阪泉之兆。故立廟於此。罕山。在本縣北五十里。

接榆次縣北界。并州圖經謂之香山。唐李光進墓碑亦云。罕山高。汾水

東則富以罕山為正。亭子山。在本縣北五十里。下有桃花三洞。乃白于

西讀書處。漢桐山。在本縣東北六十里。接孟縣。鷗鳴谷。方山。在本縣

東六十里。連清源西二十里。

太原縣太原志蒙山。在縣西五里。十六國時。漢劉聰征劉琨。不克。略晉陽。

之民踰蒙山而歸謂此山也。元一統志今山上有楊志碑志為周將討齊
戰勝隋文帝開皇二年。追紀其功始建此碑。志即文帝之考。蓋曰武元皇
帝。懸甕山。一名龍山。一名結綰山。在本縣西十里。山海經云懸甕之山
晉水所出。山腹有巨石如甕。因以為名。宋仁宗時地震山圻。巨石摧壞。今
無復甕形矣。寰宇記。懸甕山。晉水出焉。水多鯀魚食之不饑。又有子推祠
在山西。石室山。在本縣西。魏土地記云。太原郡山有石室方丈四尺。
四旁有古字。人莫之識。嬰山。在本縣西北。隋圖經云。嬰山為并州之主
尖山。在本縣西南一十五里。出礬炭。卧虎山。在本縣西南七里。在龍
山之南。其山高三里。盤踞三里。呼為卧虎山。卧山。在本縣東北三十五
里。其形勢如駝峯之狀。故名曰黑駝山。以產煤故也。風谷山。在本縣西
十里。西屬交城。八樓煩路。唐北都西門之驛路也。寰宇記。牢山。在本縣東
北四十五里。後魏書曰。劉聰遣子桀襲據晉陽。猗盧救之。遂獵于受陽牢
山。陳閔皮肉山為之赤。其山出金錒。介山。在本縣西。有子推廟甚靈。
榆次縣。太原志。麓臺山。在縣東南三十里。上有智伯縣。鷹山。在本縣東
南八十里。罕山。在本縣北五十里。西連陽曲縣界。
太原縣。太原志。鳳凰山。在縣南一十里。其形如鳳。上有佛塔。下有白將軍

祠即隆道宮也。灰泉山。在本縣東南二十里。上有谷德將軍廟。其泉貯
為一池。有亭在焉。藥伯山。在本縣東南三十里。鳳翼山。在本縣東南
惠安村南三里。上有佛閣燒毀。基址猶存。寰宇記太谷山山海經尹山有
玉清潭水出焉。安山即太谷。

祈縣太原志噴山。在縣東南六十里。東接太谷縣。南接沁州。武鄉縣界中
有上噴下噴二寺。麓臺山。一名頂山。在本縣東南六十里。宋相張商英
修麓臺祠於其上。

交城縣太原志孝文山。在縣西北一百六十里。元一統志。元魏初起於雪
代。此山乃魏道武帝為之址。故本縣有馬蘭川。牛蘭川。及地有連泉乞伏
破六韓三村之名。孝文親之賢君。人思其德。遂立廟於山巔。今遺址尚在。
羊腸山。在本縣東北百二十里。郡國志云。萬根谷山。石蹬繁。委若羊腸。然
亦謂羊腸谷。皇甫謐云。羊腸寨在龍山。即晉陽西北是也。元一統志。後魏
於此立羊腸倉。古西河上郡。置關於此。隋煬帝大業四年。幸汾陽。改名深
谷。嶺今嶺上有墟俗云魏太武避暑之所。又方志。置萬根谷。即向交城道
也。去太原西門外。有風谷路。入樓煩。故交城當其衝。謂此也。地理志。上
黨靈關亦有羊腸坂。在今潞州界。不謂此也。狐突山。在本縣西北五十

里山出青鐵至今有之。馬鞍山去本縣西北五十里亦名孤突嶺有春秋晉大夫孤突及其子舅犯之靖廟存焉。大阿蘇山在本縣北一百五里。小阿蘇山在本縣北一百里石崖中有洞穴舊經云常有老人乘白驢至此山以鐵筆指石為穴并驢入焉穴今尚存深數十步世傳為唐張果老穴。獨泉山在本縣西北一百五十里舊經云洞穴中有石如盆常有泉出焉。白鹿山在本縣東北一十里。王山在本縣東北一十二里。上有十方圓明禪院。萬卦山在本縣北五里上有十方天寧禪院。石壁山在本縣西北二十里上有永寧禪院。歡悅山在本縣西北一百五十里。交城山在本縣北一百三十五里。教積山在本縣西北一百五十里。龍樹山在本縣西一百二十里。少陽山在本縣西北四十里。山海經云少陽之山酸水出焉其上亦多赤銀郭璞注云銀之精也。蓋古有之今不知所存。龍王潭山在本縣西北一百二十里上有水泉歲旱禱則致靈應。寶跡山在本縣西北一百里。破羅寒山在本縣北一百五十里。元一觀志劉玉暉山在本縣西二百里。文水縣太原志隱泉山在縣西南二十五里西臨馬援川東望昭餘巖禮記云子夏退老於西河之上即此地也亦名陶山有石窟號子夏室去地

五十餘丈。其地險。無有泉隱沒而不恒流。故有隱泉之名。亦謂之白虎山。舊經云。昔有白虎見於此山。因以名之。南連隱泉。北連交城界。元一統志。白虎山即隱泉山。

清源縣。太原志。方山在縣西二十五里。白石山。在本縣西五里。其中有

谷曰白石谷。

壽陽縣。太原志。方山一名神福山。在縣東北三十五里。唐李長者隱居之

處。元一統志。唐李長者名通玄。滄海人。唐宗室。隱遁不仕。著華嚴論義。經

行山下有虎馴伏。當途而待。長者去。曰。為我擇棲止之地。以叢樹共背。虎

望方山行三十里。當上龕前。踰壯。長者遂居之。四旁無水。其夕暴風。拔樹

根下。成潭。遂名長者泉。渴山。在本縣南八十里。舊經謂之過山。其山峭

峻高。越羣山。因以為名。又因洞渴。水流於其下。故又名渴山。罕山。在本

縣西六十里。西至陽曲。為阪泉山。尖山。在本縣西北十里。雙鳳山。在

本縣北三十里。狀若鳳形。因以為名。元一統志。白鹿山。在本縣西三十里。

接交城縣。東北一十里。燕巖山。在本縣西三十里。寰宇記云。山多鰲燕

故名。

孟縣。太原志。白馬山。在本縣東北三十里。舊經云。白馬之山。牧馬之水出

馬元一疏志。白馬之山。其陽多玉石。其陰多鐵赤銅。有白馬關。俗傳是後魏置。方山。在本縣西南方一里。故名。一名神福山。去縣西南四十五里。高五里。盤踞一十五里。元一疏志。有李長者菩薩成佛之地。號為神福山。慈氏山。本宋重門山。在本縣西六里。高二里半。盤踞一十里。元一疏志。金皇統二年。有大德舞公而來報德。建清涼院。大定二年。賜額貞祐三年。發仇猶山。在本縣北七里。高四里。盤踞一十八里。春秋智伯伐仇猶。遂於此而亡。郡人立廟。因以名之。疎岫山。在本縣北七里。舊經云。山形孤峙。故名之。大安山。在本縣北七里。白鹿山。在本縣北三十里。舊經云。嘗有白鹿出山岡。故名之。藏山。在本縣正北五十里。高五里。盤踞二十五里。史記云。春秋晉景公三年。程嬰公孫杵段謀藏趙氏孤兒於此。其藏處高壘環堵。石溜灌谿。傍有藏山神祠。時雨愍期。人民禱之。寰宇記原仇山。在本縣北三十里。出人參鐵錫。縣取北山為名。

臨縣。太原志。戴金山。在縣北五十餘里。上有孚濟王廟。有水一池。遇旱祈禱有應。馬頭山。在城南石州界。去本縣九十餘里。為城南諸山之望。上有馬頭神廟。漢高山。在城東南四十餘里。連支山。在城東石州界。去本縣七十餘里。元一疏志。黃云子山。在臨州。即今臨縣東北三里。榆林河。

出焉。

靜樂縣太原志天柱山。在縣城南三里。高一里半。盤踞二十里。山北半坂

內。有明惠王廟。基址一處。東側有狗跡。靈泉。耆舊相傳如此。元一統志。耆

舊云。後魏周太祖軍過此。引大蛇山。得一泉。因名曰大蛇泉。後立廟。宋祥

符二年。有碑。按後魏周太祖天柱將軍。山名廟額。皆於此取。桃子山。在

本縣東南五十里。高四里。一百六十步。盤踞二十里。形勢東高西下。有龍

王廟。崇寧三年。勅賜昭潤公廟院內井泉一源。遇旱祈禱。元一統志。山

之陽。有泉一泓。上有寒室。和元年所建殿閣。管岑山。在本縣北一百四

十里。高三里。盤踞二十里。形勢中高兩低。如山字狀。故名管岑山。下有龍

眼泉水出。乃汾河之源。管岑山。即林溪山也。元一統志。唐武德四年。置

管州。以靜樂縣有管岑山。故名。山海經云。汾水所出。谷音本管。音森。土人

以其山多管草。或以為名。又石管字。前魏縣。劉元海。徐子曜。嘗隱於管溪

山。夜有二童子入。號曰。管溪王使。小臣奉謁。趨呈帝。獻劔一口。置前。再拜

而去。以燭視之。細長二尺。光澤非常。背有銘曰。神劍服御降衆毒。雖逆服

之。劍隨時變為五色。蘆牙山。在本縣北一百五十里。高五十里。盤踞十

有餘里。形勢險峻。連荷華平山。東峙忻寧。南連寧化。西至奇嵐。北抵武

朔九一說志故老相傳以爲祥如佛出世之處黑風山際土山無石在本縣西北五里高四里半盤踞一十五里古今相傳每至秋冬有黑風生故名曰黑風山元一說志上有廟曰黑風神故老相傳山側有一殿每至秋冬時有黑風士焉宋紹聖元年立廟今基址尚存懸鍾山在本縣東七十五里高三里盤踞一十里形似懸鍾周洪山在本縣南七十里高一十五里盤踞四十里形勢巍峩而奇秀西北一十里有渥洼泉其形如井西有龍王廟遇旱祈禱中子山在本縣正東一百二十里高一十五里盤踞百有餘里形勢峻崑絕頂如冠中狀故名東側石崑下有泉巖前有龍王廟宋宣和四年所建後勅賜顯濟侯遇旱祈禱元一說志馬頭山在管州即今本縣南三十五里上有後魏孝文帝廟祈禱多應天會十一年建石門山在樓煩即今本縣西北二十五里其狀若門中有僧寺周公山在樓煩西二十里昔周公巡狩至此因以名之龍和山在樓煩西三十里西南二川間峭壁嵯峨瑞雲常遶疑若龍像因名龍和臨春山在樓煩天池南七十里高百丈西南接石樓山下有泉派入鴈門注于汾河石峽屈產山在樓煩北五里臨汾水并渥洼龍馬之地春秋晉人以屈產之乘假道於虞謂此也上有廟俗謂屈產大夫無記志可考震宇

記繫舟山在古秀容即今本縣界先遭洪水繫舟於此山因以名之風
山在本縣水經注云風山其上有穴如輪風氣蕭瑟冬夏長不止按九州
志云馬邑之地風多寒流水厚二丈聖人山在本縣有古仙之跡故有
此號壺口山在本縣禹貢云壺口治梁及岐漢書云山在北屈東南水
經云在北屈縣故城北十里燕京山在本縣水經云桑乾河水潛承大
原汾陽縣北燕京之天池也白鳥山在本縣山海經云白鳥山其陽出
玉其陰出鐵

平定州太原志東浮化山在州東三十里伏羲女媧廟在焉東連亂塚晉
盤諸山與羅樓山對峙西浮化山在本州西八十里亦有伏羲女媧廟

嘉山在本州西八里其上有晉公子祠祠下有井及栗井水黑邑又名

曰黑水神財虎山在本州北一十三里其形似虎故名之內有長者巖

冠山在本州西八里其形似冠故名冠山寶福寺在焉戴金山在本

州東九十里亦名蹄山東接井陘山澤發水出焉白雞山在本州東北

二十里舊經云上有石記又有晉王廟四角山在本州西三十里其勢

四起故名下有三泉獅子山在本州西二十五里舊經云其形似之故

名土人名蒲臺山有廟元一峴志上有靈驗王廟費濟大王廟宋崇寧三

年所封。蒙山在本州東北一十五里。元一統志。一峯孤秀。高出衆山。上有晉山神祠。土人至九月登高于此。蓋真神之奇峯也。

樂平縣。太原志。皋落山在縣東七十里。舊經云。春秋皋落氏之地也。刑山一名靈山。去本縣城東南五十里。平原村。少山一名河逢山。又名揭度山。

又名沾山。在縣西南二十里。舊經福地記曰。山在樂平沾縣。其高八百丈。可避兵火。恒山之左會也。清潭水出焉。陡米山去縣城西四十里。西沿

洞。渦水西北入平定州界。鳳凰山去縣城北八里。山巔有鳳凰神祠者。老相傳。鳳凰嘗集此山。故名之。蒙宇記。樂平山在本縣東七十六里。即古

東山。皋落氏之地。漢縣周山以名。

保德州。太原志。翠峰山在州東八十里。形勢如覆斗。高二十里。盤踞九十五里。山頂有寺。今廢。元一統志。赤山在本州大山。舊志云。山皆楓林。冬月經霜皆赤。故取名。

奇嵐州。太原志。蘆芽山在州北五十里。高一十五里。盤踞一百七十里。形勢險峻。奇嵐山。後魏以山名邑。案宇記。在宜芳縣。即今奇嵐州北九十八里。高二千餘丈。與山相接。雲山在嵐谷廢縣。即今奇嵐州東北四十里。高三十里。長六十里。嵐朔州分界。亦連寧化。焚臺山在嵐谷縣地中。

出火固名焚臺上復有火井。郡縣志火山。在火山軍。即今奇嵐州東四十里。

嵐縣。太原志大萬山。在縣之西南。去城六十里。高一十里。盤踞二百里。北接奇嵐南接臨縣之山。形勢險峻。山前建靈淵侯廟。中有白龍池泉。每歲亢旱。禱雨則應。

興縣。太原志紫金山。在縣西一百里。上有崇德侯廟。能興雲致雨。其山西

側近黃河。官設巡防。今廟廢壞。亦無巡防之設。合查山。在本縣南八十

里。峯巒昂聳。獨異諸山。自踵至頂可十餘里。上有合溪大王龍祠。內有龍

池。遇旱祈之即應。石樓山。在本縣東北五十里。四面皆石峭拔千仞。達

于峯嶺。俯視羣山。宛如丘垤。上多松檜。舊有佛刹。兵革燒燬不存。元一晚

志大崖之異。一峰孤聳。峭壁端直。百丈之餘。四圍俱無可上下之處。微北

有一小逗。周盤可達。至於峯頂。視視群山。上有松栢古石樓寺。經兵革之

廢寺有鐘在焉。

代州。太原志夏屋山。在州東三十里。一名下壺山。又名賈屋山。史記曰趙

襄子北登夏屋。誘代王。使厨人操鋼斗殺之。遂有代地。屬門山亦名鴈門塞。在州北三十五里。舊經云。屬出其門。在高柳北。高柳在代中。后稷所

葬山水環之。牛斗山。俗呼牛頭山。在鴈門廢縣西北二十里。今州之西北二十五里。上有神廟。宋元豐間封為順應侯。又封令澤侯。金加廣祐靈濟王。遇旱祈禱。鳳凰山。在本州南三十里。有觀一所。隋仁壽年間鳳凰來現。因改名嘉瑞山。至唐天寶初年。又名為鳳凰山。觀曰來儀觀。有峰名曰養虎。又有二池。曰洗參。曰飲虎。有桃花水簾二洞。有墟一所。名曰煉丹。有昇仙鳳樓二樹。唐孫真人嘗居於此。宋朱子然嗣仙翁號休休子。亦居於此。故老相傳如是。元一統志。蒙頭山。一名北斗山。在鴈門廢縣西北六十里。今代州之西北二十五里。即勾注陁西北三十五里山也。山之神能興雲雨。至宋元豐間封順應侯。又封利澤侯。金加廣祐靈濟王。有碑刻石鼓山。在本州郡國志云。代郡石鼓在山下橫卧。高一丈八尺。腰細有過繩處。太原志勾注山。一名西徑山。在本州西二十五里。今太和嶺是也。元一統志。周雅謂北陁西陁屬門是也。注云。即鴈門山也。水經注云。鴈門即北對勾注東陁其南。九塞之一也。晉成寧元年。勾注碑曰。北方之險。有盧龍飛狐勾注為首。天下之阻。所以分別外內也。漢高祖敗戊北塞。不改其故之說。祇繫於廣武。遂斷勾注而於平城。謂北也。覆宿山。在本州東北三十五里。元一統志。一名伏牛山。亦名牛心山。在鴈門廢縣東南一十五

里

崞縣天原志崞山在縣城西二十里高七里盤踞十餘里上有古廟存焉
名曰崞山神有池名曰甘露池遇旱民則禱之漢立崞縣時固山為石此
山興雲致雨隨禱而應有宋政和五年奉節郎高景光碑記在焉天涯
山去本縣東南四十里高十餘里盤踞十餘里其形類蓮花俗呼為蓮花
峯上有石其形如鼓元遺山題詩云喚起山靈撫石鼓玉女湘妃出歌舞
元一統志唐雍陶詩云天涯地角山有詩云十年馬足行多少兩度天涯
地角來近亦有元祐之題詠黃麓山在本縣西南七十五里高四十餘
里盤踞七十餘里西接寧化界元一統志正陽山在崞州即今崞縣西南
九十里山頂有玉皇殿前高山在本縣西南五十五里五峯山在本
縣東二十五里山頂有大珠堂俗呼燒香山柏枝山在本縣西二十里
山下有神廟福壽山在本縣東南七十里山頂有玉泉院金貞祐二年
賜額福壽山之左即石鼓山將軍山在本縣東南七十里山頂有神廟
紫岫縣天原志秦戲山即今孤山在縣正東三峯獨立於平川之內故號
曰孤山其下潯沱河源出焉元一統志一名五夫山亦名平山亦曰氏天
山今日孤山在縣東南九十里山海經云秦戲之山潯沱之水出焉郭璞

註云海濱出大山也

五臺山在本縣城東南一百里其陽屬五臺其陰

屬繁峙

鐵腳山在本縣之正北形勢甚壯即此山也傳為鐵腳山華

嚴山在本縣東南九十里寶山一帶西連五臺其山出天花地菜後有銀

洞石磧同名寶山元一統志太孤山在聖州即今繁峙縣東一百三十里

小孤山之西二里小孤山在州東一百三十里西麓老人文集又謂之

秦戲山寶山在州南九十里入南冶谷以通山東之路茹越山在州

北一十里脚至頂三十里茹越口以通大同路

五臺縣太原志五臺山名清涼山在縣東北一百四十里左隣恒山右接

天池南屬臺州北至聖州環臺五百餘里山有五峯高出雲表頂皆積土

故謂之臺佛經云北方有文殊師利所居之地曰清涼山者即此也中臺

高四十里頂平廣周六里西北有太華池東臺高三十八里頂平廣周二

里西臺高三十五里頂平廣周二里南臺高三十七里頂平廣周二里北

臺高三十八里頂平廣周三里東臺高三十八里頂平廣周二里

家避亂入此山見山人為之先驅周而不遠近尋泉野住運之士稱有聖

是其村居者至詣訪其知所在故俗人以此山為仙者之都矣中臺山山

頂方三里近西北阪有一泉水不流謂之太華泉蓋五臺之層秀仙經云

此山名紫府常有紫氣仙人居之。內經以為清涼山。元一統志。元皇建寺宇杜庵。仙人山。在本縣東南五十里。石巖上有人坐跡。山腹石上有手跡。山下石上有雙腳跡。皆西向立。元一統志。聖鍾山。在臺州。即今五臺縣。上有德寺。嶺三賢巖。習觀巖。聖僧巖。青峯寶陀峯。並在清涼山。凡二十二處勝蹟。

石州太原志。骨脊山。即古呂梁山也。去石州一百里。其高可千丈。其下至上約行二十五里。盤踞百有餘里。東接交城。北連孝文山。按書。蔡氏云。在今離石縣。東北兩雅云。梁山骨望。即冀州呂梁是也。呂乃脊骨山。形似之。後因呼骨脊山。傳寫之訛。又作谷積。馬頭山。在本州西北四十五里。高千有餘丈。盤踞三十餘里。上有祖述劉琨慕容廆廟。於衆山中頗高。似馬頭故名。孝文山。在本州城東北一百三十里。自趾至頂約四十里。而近盤踞百有餘里。東接交城。文谷。南連呂梁山。北引靜樂縣。芝麻山。孝文之名。無圖志可考。俗稱上葛有孝文皇帝廟故名。

離石縣。縣志。離石山。今名赤洪嶺。在縣。即今石州西五十步。又云。離石水。今名赤洪水。東北從方山縣界流入。北齊高歡大破爾朱兆於赤洪岡。即此水之岸。元一統志。倦洞山。在本縣。即今石州東北五十里。其洞深邃。

人不可窮洞中有澗以人投之不得其底每遇天旱有誠心者入深五更
祈得聖水雨無不應洞上有龍祠 劉王潭山在本縣東一百里頂上有
泉

寧鄉縣太原志屏風山在縣南三十里盤踞五里高約五十餘丈其形類
屏風故名元一統志上殿山在本縣西南五十里 隱明山在本縣南六
十里 樓子臺山在本縣東南七十里 南山在五門廢縣即今寧鄉縣
南五里上有寺

忻州太原志雲中山在州城西北五十里南與白馬山相接西至靜樂界
北至崞縣界陽武谷其山產黃苓茯苓之類元一統志下有谷雲中
水所出也 繫舟山在本州東南三十里世傳大禹治水繫舟於此因以
名之其下有小山曰讀書山乃元遺山讀書處也元一統志谷名小五臺
有元東巖先生讀書石室又名讀書山趙開闢東大詩有便騎元子讀書
山之句其北屬秀容縣其南屬陽曲縣隋志云秀容縣有繫舟山元好問
詩云繫舟山頭龍角先此之謂也 雲母山在本州城西南二十里山出
雲母因名水經云北俗謂雲母為獨擔故又名獨擔上有一穴出土芝
食宇記唐貞觀十八年秋使薛通度採雲母上芝於此山此其驗也其穴今